

سه لکی در سعادت ایچون مجیده
یکری غروش حسابیه التمش
غروشدر

طشره ایچون پوسته اجرتی اوله رق
اون بش غروش ضم اولنور

نسخه سی ٤٠ پاره در

تذکره محاکمات

آبونه اولقی ایستینلر دائره عدلیه ده
اداره مخصوصه سنه مراجعت
ایتملیدر

اعلاناتک بهرندن بر مجیده اخذ
ایدیلور

نسخه سی ٤٠ پاره در

هفته ده ایکی دفعه جمعه ایرتسی و چهارشنبه کونلری نشر اولنور . محتویاتی امور عدلیه به متعلقدر

تعیین و تحویل

مرعش سنجانی بدایت محکمه سی مستطقلکنه
بنغازی سنجانی بدایت محکمه سی مستطقل سابق
محمد زعطوط افندی تعیین قلمشدر .

تبلیغات

مدیونک قید رسمی منطوقجه عهده تصرفنده
اولوب محکوم به دینندن طولانی دائره اجراجه موقع
مزایده به قونیلان خانه حصه سنه دیگر طرفدن بر
قطعه وصیتنامه ابرازیله در میان اولنان استحقاق
دعواسی اوزرینه اتخادی لازم کلان معامله نک تعیینی
بعض طرفدن وقوعبولان اشعاراتدن مستبان اولسنه
بناء کیفیت انجمن عدلیه جه لدی التذکر دین ایچون
اموال غیر منقوله نک صورت فروختنی ارانه ایدن
نظامنامه نک اون اوچنجی ماده سی مندرجاتندن استنباط
اولدینی اوزره مزایده به وضع ایدلمکده اولان بو
قیل غیر منقولات حقنده شخص آخرک استحقاق
ادعاسنده بولنه رق مزایده دن صرفظر ایدلمسی یولنده
وقوعبولان طلبی جهت تصرفیه عائد دعوی حادثه
شکل و صورتنده اولسی اعتباریله قید رسمی به مستند
اولان معاملات اجراییه به قارشو مدعیسنک تأخیر
مزایده دن متولد ضرر و زیانی ضامن اولقی شرطیله
استحصال حکمه مجبوری بییه و علی الخصوص مبرز
وصیتنامه نک تنظیم و تصدیق امرنده مقررات اخیر
احکامنه وسند رسمی ایله تصرف اولنور غیر منقولاته
تعلق نقطه سندن وقیله دفتر خاقانی اداره سنه بالمراجعه
قیدینک تصحیح ایتدیرلمسی حقنده متخذ و مرعی
اصول وقاعده به رعایت اولنوب اولندینی کیفیاتنک
دخی ذات دعواجه حائر تأثیر اولسندن ناشی تدقیق
و محاکمه به احتیاجی طبعی بولنش اولدیغندن طرفینک
محکمه به سوق و ویریه جک مهل مناسب ظرفنده
تأخیر مزایده بی ناطق علم و خبر ابراز اولندینی تقدیرده

معاملات تنفیذیه نک دوام جریانی لازم کله جکی بیان
وافاده اولمشدر .

محاکمات مقبره

قیصریه سنجانی بدایت محکمه سی مدعی عمومی
معاون سابق عثمان رمزی افدینک اوراق انفصالیه
ومدافعه نامه سی انجمن انتخاب مأمورین عدلیه جه
لدی التدقیق جواز استخدامنه قرار ویرلشدر .

محکمه تمیز استعدا دائره سندن تنظیم واعطا قلنان اعلامدر :

سرفیچه سنجانی بدایت محکمه سی جزا دائره سندن
استینافاً لاحق اولوب ١٠ حزیران سنه ٣٢٣ تاریخنده
تفهیم قلنان قراری ناطق ١١ حزیران سنه ٣٢٣
تاریخی و یوز التمش بر عددلی اعلامک تمیزاً تدقیقی
مستدعی محکمه مذکوره مدعی عمومی معاونلکی
طرفندن مدت قانونیه سی ظرفنده ویریلان ١١
حزیران سنه ٣٢٣ تاریخلی استدعنامه و اوراق
متفرعه سی باش مدعی عمومیک مأموریت بهیه سنک
٨ اغستوس سنه ٣٢٣ تاریخلی تبلیغنامه سیله محکمه
تمیز استعدا دائره سنه تودیع اولنش اولدیغندن بالقبول
تدقیقات تمیزیه اجراسنه ابتدار قلندی .

اعلام مذکورک خلاصه مالی حاجی مصطفی
وبرادری محرمک اوچ رأس قیوتی لیسلاً سرقت
و چوبانلری علی به اخافه قصدیه تشهیر سلاح ایتدکری
ادعاسیله مظنون علیهم اولان صالح بن بیکار احمد
و خیرالدین و یشار و آدم و ناشد بن مقصودک افعال
مذکوره به مجاسرتلری اقرار و اعترافلرینه انضمام
ایدن شهادات و احوال سائر دلالتی ایله ثابت اولسنه
مبنی حرکتلرینه توافق ایدن قانون جزانک ایکی یوز
یکری ایکنجی ماده سنه توفیقاً اونزماه مدته حبسلرینه
دائر لاحق اولان اعلام ابتدائی علیهنده محکومون

مرقومون طرفلرندن اقامه اولنان استیناف دعواسی
اوزرینه مستأنفردن ناشد حقنده غیباً و دیگرلری حقنده
وجاهاً سبق ایدن تدقیقات استینافیه نتیجه سننده
جرم ایله جزا بیننده نسبت عادلّه کوریه مدیکی بیانیه
مرقومونک مدت محکومیتلرینک التیشر ماهه تنزیلی
صورتیله حکم مستأنف بهک تعدیلاً تصدیقه قرار
ویرلدیکنی متضمندر .

لایحه تمیزیه ده مظنونلردن ناشد نامه تسطیر
قلنان جلبنامه زیرینه مرقومک طابوریله قوز کوبنده
اولدینی بیان و اشارت اولنسی اوزرینه مرقومه یکیدن
تبلیغات اجرا و محاکمه دن خبردار ایدلمکسزین غیباً
قرار ویرلمسی و عند الاستیناف حکم ابتدائی حقنده
اسباب فسحیه کوسترلماش ایکن تخفیف جزا جهته
کیدیلرک حکم مزبورک تعدیلاً تصدیق قلمنسی
مغایر قانون اولدیغندن بحثله اعلام مذکورک نقضی
استعدا ایدلمشدر .

تبلیغنامه ده دخی اعتراضات واقعه نک بحا اولدینی
بیانیه اعلامک نقضی طلب اولمشدر .

ایجابی لدی المذاکره اعلام مذکور مندرجاتندن
منفهم اولدینی اوزره مستأنفردن ناشد تعریفات
قانونیه دائره سننده تبلیغات لازمه اجراسیله یوم
محاکمه دن خبردار ایدلمکسزین مرقوم حقنده غیباً
محاکمه اجراسی یولسز اولدینی کی حکم مستأنف بهک
تطبیقات قانونیه نقطه سندن عدم اصابتی حالنده فسحیه
یکیدن قرار اعطاسی اصول محاکمه ایجابندن اولدینی
حاله محکمه استینافیه جه شوا حکام قانونیه ده دخی توفیق
معامله اولنمامسی نقض حکمی مستلزم اولدیغندن
اصول محاکمات جزائی قانوننک اوچوز اون دردنجی
واوچوز اون طقوزنجی ماده لری احکامنه توفیقاً
اعلام مذکورک اسباب مشروحه دن طولانی نقضه
١٠ ایلول سنه ٣٢٣ تاریخنده متفقاً قرار ویرلدی .

جیوه لک یورکی اوغلی یحیای قتل ایلدیکی ادعا
اولنسندن دولای جنایتله اتهام اولنان آندونک اون

بش سنه مدته کورکه قونلئسنه دائر اذمید سنجایی بدایت محکمه سی جزا دائره سندن ویریلان ۳۳ نومروی اعلام

زوجی سی عایشی قتل ایلدیکی ادعا اولمئسندن دولای جنایتله اتهام اولان شیخو بن سعدونک اون بش سنه مدته کورکه قونلئسنه دائر ماردین سنجایی بدایت محکمه سی جزا دائره سندن ویریلان اعلام

بابا قسطنطینی قتل وطفیرا کینک بارمغنی جرح ایله تعطیلنه سببت ویردیکی ادعا اولمئسندن دولای جنایتله اتهام اولان ایلیانک اون بش سنه مدته کورکه قونلئسنه دائر قرق کلیسا سنجایی بدایت محکمه سی جزا دائره سندن ویریلان ۲۰۰ نومروی اعلام

علینک خانه سندن اشیا سرقت ایتدیکی ادعا اولمئسندن دولای جنایتله اتهام اولان عمرک اوچ سنه مدته کورکه قونلئسنه دائر سوریه ولایتی استیناف محکمه سی جزا دائره سندن ویریلان ۶ نومروی اعلام

سازلی قریملی حسین بن یرامی جرح ایلدیکی ادعا اولمئسندن دولای جنایتله اتهام اولان شا کر بن سلیمانک اوچ سنه مدته کورکه قونلئسنه دائر پرشته سنجایی بدایت محکمه سی جزا دائره سندن ایلکینجی دفعه اوله رق ویریلان ۱۱۶ نومروی اعلام

طوراقوه قریه سنده خانیلق ایدن مارقونک دیواری آلث مخصوصه ایله دله رک کراچی میخال یورکینک برچوال صابونیه اینجیری سرقت ایلدیکی ادعا اولمئسندن دولای جنایتله اتهام اولان ابراهیم بن نجییک اوچ سنه مدته کورکه قونلئسنه دائر سرفیچه سنجایی بدایت محکمه سی جزا دائره سندن ویریلان ۱۰۷ نومروی اعلام

اسمر حدادک قیو قیرمق صوتیله اشیا سنی سرقت ایلدیکی ادعا اولمئسندن دولای جنایتله اتهام اولانلردن حاجی علی بن مصطفانک اوچ سنه مدته کورکه قونلئسنه و دیگرلرینک برائترینه دائر ماردین سنجایی بدایت محکمه سی جزا دائره سندن ویریلان ۴۸ نومروی اعلام

قصاب محمدی قتل ایلدیکی ادعا اولمئسندن دولای جنایتله اتهام اولان قصاب حسین بن حسنک اون بش سنه مدته کورکه قونلئسنه دائر سلانیک ولایتی استیناف محکمه سی جزا دائره سندن ویریلان ۶۸۰ نومروی اعلام

قیرالک قریملی حاجی حسین اوغلی علینک خانمی دیواری دله رک نقود و اشیا سنی سرقت ایتدیکی ادعا اولمئسندن دولای جنایتله اتهام اولان موسی وحسین وفارای ابراهیمک دردر سنه مدته

کورکه قونلئسنه دائر دکرلی سنجایی بدایت محکمه سی جزا دائره سندن ویریلان ۲۰۰ نومروی اعلام

دده لر قریملی سالم بن عثمانک قیون سورینی باصه رق معامله جبر و شدت اجراسیله الی رأس قیونخی اخذ ایلدکیری ادعا اولمئسندن دولای جنایتله اتهام اولان مؤمن بن درویش و آدمک اوچر سنه مدته کورکه قونلئسنه دائر مؤمن بن عالیشانک برائته دائر سرفیچه سنجایی بدایت محکمه سی جزا دائره سندن ویریلان ۶۴ نومروی اعلام

قره جه قیا قریملی نبی اوغلی علینک انباردن آناختار استعمالیه و بوستانجی اوغلی ایوبک خانه سندن قیو قیرمق صورتیه اشیا لرینی سرقت ایلدکیری ادعا اولمئسندن دولای جنایتله اتهام اولانلردن عزیز و توفیق و اشرف و محمدک بشر سنه مدته کورکه قونلئسنه و یعقوب ایله شریفه نک برائترینه دائر سنیوب سنجایی بدایت محکمه سی جزا دائره سندن ویریلان ۲۳۹ نومروی اعلام محکمه تمیز جزا دائره سنجیه تصدیق قلمشدر .

در سعادت جنایت محکمه سندن تنظیم واعطا قلتان اعلامدر :

بیک اوچوز یکر می اوچ سنی مارتک اوچنجی جمعه ایرتسی کیجه سی ساعت درت بحق قرارلرنده بک اوغلنده آینه لی چشمه ده سرو یقوشنده یکر می آلتی و یکر می سکر نومروی آپارتمانک برنجی قاتنده اقامتله غلطه ده قومیسین خاندنه یازیمیلیق ایدن فوطاکی افندینک خانه سنده ساکنه انسطاسیه نک کیفیت جرح و قتلندن دولای مظنون علیها اولان کذلک فوطاکی افندینک خانه سنده خدمتی ایلدینگی بیان ایدن یکر می یاشنده تکفور طاغی خریس بنت یورکینک جنایتله اتهامه دائر هیئت اتهامه دن تنظیم قلتان مضبطه ایله استیناف مدعی عمومیلکنک ۳۰ تموز سنه ۳۳۳ تاریخ و ۳۳۱ نومروی اتهامه سی اوراق متفرعه سیله معاً محکمه جنایتیه تودیع قلمغه بالمطالعہ تفصیلاتی اولباده طوتیلان ضبطامه دن مستبان اوله جتی وجهله اصول محاکمات جزائیہ قانوننک باب ثانینک فصل رابنده محرر اولان معاملات ابتدائیہ بعدالایشا اوچوز یکر می اوچ سنی آغستوسنک اون سکرنجی کونی متهمه خریس علی الاصول توقیفخانه دن کتوردیلرک مدافعه وکیلی یاقوقیا افندی ایله استیناف مدعی عمومی معاونلردن بهجت بک حاضر اولدقاری حالدیه محاکمه علیه ووجهیه اجراسنه بالابتدار اوراق دعوانک قرأشدن واقامه

اولان شاهدلرک شهادتک و طرفینک ادعا ومدافعاتک استاعتدن صکره محاکمه یه ختام ویریلرک مذاکره اوطه سنه کیدلدی .

ایجاب کیفیت لدی المذاکره انسطاسیه نک تهویراً جرح و قتلندن دولای اتهام ایلدیلان خریس هر قدر حضور محکمه ده کیفیتی کلیاً انکار ایتکنده ایسه ده وقعه کیجه سی مسافره کیتمش اولدینگی علقونک خانه سنه کیش اولان متهمه خریس انسطاسیه نک باغین برحاله یاندینگی خبرویرمسیله درحال برلکده عودتله مزبورنه نک صیرت اوستی یاتقمده اولدینگی کوروب سرکه و لیون کی شیلره مداواتده بولمش ایسه ده برنمه حاصل اولدینگی جلب ایتدیردیکی طیب مزبورنه بعدالمعاینه صولمهی اوزرنده اوفق بریاره کورمکه وفاتنک بوندن ایلری کلدیکنی سولمکه متصل آغلابوب چریمقده اولان متهمه دن استیضاح ماده ایتدیکنده بیلیمورم دیدیکنی و بالاخره بک اوغلی متصرفلنده و کندی حضورنده استجواب اولدینگی صره ده مطبخنده شقالاشورکن جاقی ایله بغیر قصد جرح ایلدیکنی اعتراف ایتدیکنی ایشدیکنی حقوق عمومی شهودندن فوطاکی افندینک و کیفینک بوصورتله جریان ایتدیکنی و متهمه نک غلطه سراینده مطبخنده برجاقی ایله الما صویوب یاریسی انسطاسیه یه ویردیکی زمان مزبورنه ککندوسنه ویریلان المانی آز کوروب لطیفه به باشلامی اوزرنه کندوسیده کذلک لطیفه یوللو جاقی ایله انسطاسیه نک کوکسنه دورتدیکی یولنده کی اعترافی ایشدیکنی لیغور افندینک و برکیجه اوطه سنده اوتورمقده ایکن متهمه خریسینک تلاش ایله آپارتمان قوسنی آچهرق زقاعه فیرلابوب بر قاق خانه ایلروسنده کی خانه نک قوسنی چالدینگی وبعده افندیسی فوطاکی افندی ایله برلکده ینه تلاشله عودت لرینی کورمکه ساقه مراقله کندوسیده آنلرله برابر فوطاکی افندینک دائره سنه چقدینقده انسطاسیه نک باغین برحاله اوطه ده یاتقمده اولدینگی مشاهده ایتسیله لازمکلان معاونت و تدیری اجرا ایلش ایسه ده برحرکت کورهمدیکی کی مزبورنه نک اللری بوز کی صفومش اولدینقندن وکوکسنی آجبدینده مہ سی اوزرنده بریاره کورمکه انسطاسیه نک وفات ایلش ایدوکنی خبر ویردیکندن جلب ایلدیلان دووقور بعدالمعاینه کندوسنی تصدیق ایتدیکنی و متهمه خریس متوفاتک صوبیه قیابوب سوری اوچنک کوکسنه صاپلاندینگی سولش ایسه ده یارنه نک بوصورتله حصوله کلان یارلردن اولدینگی مثلاً متهمه نک بالاخره غلطه سراینده فعل جرحک کندوسنی طرفندن إشاع ایلدیکنی مفصلاً اقرار و اعتراف ایلش ایدوکنی افواه

تاسدن ایشدیکنی یونانی قسطنی ولد دیمترینک حضور محکمه ده مع القسم و علی الدرجات اخبار و تمهید و ضابطه عدلیه تقریری دخی شهادات آفقی تنویر و تأیید ایلسنه و متوفاتک معاینه سنی حاوی راپورده صول مہ سی اوزرنده کی جرحه نتیجه سی شریان رنه نک جرح اولمئسندن سیلان دم داخل و قوعه کله رک متأراً وفات ایلدیکنک اکلا شلدینگی مندرج بولمئسنه نظراً فاعلک متهمه خریسی اولدینقده شبه قلاماش ونوع جرمه کلنجه وقعه کیجه سی متهمه ایله متوفاتک برلکده مطبخنده بولندقاری صره ده منازعه نک وقوعنی ایما ایدر کورلتی و پاطیردی ایشتمدکیری و مزبوران میانلرنده خصومتک دخی موجود بولندقدن بشقه یکدیگر یله قین قرداش کی کچمکنده و سولشمکنده اولدقاری استماع اولان حقوق عمومی شاهدلرینک جله شهادتندن و آندون چو جق دخی متوفاتک انسطاسیه نک یکدن عودتنده شطارتلی بولندینگی سولیبوب بولنک دخی هر ایکسی بیتنده حسن معاشرتک موجود اولدینقده و متهمه نک ضابطه و بک اوغلی محکمه سی حضورنده سبق ایدن اقرار و اعترافاتک صدقه دلالت ایتکنده بولمش و متهمه ده کوریلان بره و چیزیکلرک مزبورانک شقه لشدقاری ائشاده حصوله کلدیکنی جریان ایدن محاکمده استدلال قلمش و بناء علیه متهمه خریسینک برالمانک توزی صره سنده و لطیفه ائشاسنده ائنده بولنان جاقی ایله و دقتسزلکله انسطاسیه یی جرح ایله وفاتنه سنیت ویردیکی ثابت اولمش اولدینقندن اولوجهله فعل مذکورک فاعلی اولدینقده جرمک ثبوتنده اتفاق و وقوعنده اکثریت ایله قرار ویریلرک محاکمه اوطه سنه عودتله قرار مذکور علناً قرائت و بیان اولندقده معاون موسی ایله مزبورنه خریسینک قانون جزانک یوز سکسان ایکنجه ماده سنه توفیقاً تحدید جزاسنی طلب وادعا و وکیل موسی ایله دخی موکله سنک تخفیف مجازاتی استعدا و خریسی دخی لسان ترجمانی واسطه سیله بشقه دیه جکی اولدینقی انبا ایتلر یله جزایه عائد محاکمه نک اختتامی بعدالافهام تکرار مذاکره اوطه سنه کیدلدی .

عند المذاکره خریسینک حرکتی قانون جزانک یوز سکسان ایکنجه ماده سنه موافق و ماده مذکورہ [برکیسه برشخصی خطاً اتلاف ایدر یا خود بغیر قصد تلف نفسنه سبب اولورسه ورنه مقتولک حقوق شرعی سی به الحاکمه استیفا اولندقدن صکره اگر بوقتل کیفیتی دقتسزلکندن و نظاماته رعایتسزلکندن نشأت ایتش ایسه الی آیدن ایک سنه به قدر حبس ایله مجازات اولتور [عباره سنی ناطق اولدینقندن اشبو احکام قانونیه به توفیقاً و ابتدای توقینی اولان ۳۲۵ سنی صفرینک اوچنجی کوندن اعتباراً برحق

سنه مدته حبسه قونلئسنه و ورنه مقتوله نک عائد اولدینگی محکمه به مراجعتده مختار بولمئسنه و بالجله مصارف محاکمه اولان جماعاً یوز قرق غروشک دخی کندوسندن بالتحصیل عدلیه و زنه سنه تسلیم ایتدیرلمسنه ۳۲۳ سنی آغستوسنک اون سکرنجی کونی وجاهاً و متفقاً قرار ویریلرک اصول فقہی اجرا قلندی .

یائینک اغونی ضرب و خانمی جاملری قیردینگی ثابت اولدینقندن اون کون مدته حبسنه نیقولینک ساعتی سرقت ایتدیکی ثابت اولان لیغورک درت ماه حبسنه و ختام مدت جزائی سنده ضابطه جه کفالتله ربطه

محمدک فیضی افندینک اوطه سندن یلکنی سرقت ایتدیکی ثابت اولدینقندن اوچ ماه حبسنه و ختام مدت جزائی سنده ضابطه جه کفالتله ربطه

صادقک استره اخافه قصدیه تشهیر سلاح ایتدیکی ثابت اولدینقندن برماه مدته حبسنه

آورامک اشیا سنی سرقت ایتدیکیری ثابت اولان طنش و دیمترینک التبشر ماه مدته حبس لرینه محمد افندی به تشهیر سلاحه برابر اجرای مأموریت حالنده ایکن پولیس ابراهیم افندی بی دخی تحقیر و ضرب ایلدیکی تبین ایدن محمدک سکر ماه مدته حبسنه

حدی افندینک محمد راشد افندی بی ضرب و جرح ایتدیکی ثابت اولدینقندن بر آلتون آلتوب مضروب ویرلمسنه

لوچیقیه ناموسه طوقور سوز سولیدکیری تبین ایدن پولیس قومیسری توفیق افندی ایله سودجی نجیب اغدن ایکیشر آلتون جزای نقدی آلمسنه بک اوغلی بدایت محکمه سی جزا دائره سنجیه قرار ویرلمشدر .

مجازات نایب الهیه

قیرشهری سنجایی بدایت محکمه سی اعضاسندن حاجی نافع و محکمه مذکورده مستنطق سابق ثروت افندیلرک مواد معینه ده وظیفه مأمورلرینی سواستعمال ایلدکیری آقره ولایتی استیناف محکمه سی مدعی عمومیلکندن وارد اولان اوراق تحقیقیه مندرجاتن مستبان اولمسنه مبنی اجرای محاکمه لرینه عدلیه نظارت جلیله سنجیه مآذونیت ویریلرک مذکور مدعی عمومیلکله تبلیغات لازمه ایفا قلمشدر .

اعلانات

قعه سلطانیه بدایت محکمه سی جزا دائره سنده :

تاریخ مختلفه بیغا قضاسنه تابع قره جه علی قریه سندن سراج اوغلی محمد ایله فندق احمد اوغلی محمدی لیلأ خرمنده باصه رق هر ایکسی ضرب و جرح ایله بونلردن سراج اوغلی محمدن اون فرانسز آلتونیه اوتوز غروش و بیغا اورمان مفتش معاونی جعفر بک ایله رفیقی آندون و نیقولی و طیب پترکی میخائلو افندینک یوللرینی کسه رک نقود و اشیا لرینی و تذکره محرری بکر افندینک آلتون ساعتیه اشیا سنی سائره سنی وادرمید قضاسنه تابع اوونیه ناحیه سنک جرح قریه سندن سیلان بن حاجی مصطفانک خانه سندن اشیا اخذ و غصب و سرقت و بیغا قضاسنه تابع انباراویه قریه سندن قوجه عثمان ایله حسین افندی و مختارتانی آدمی ۳۲۳ سنی مایسنک دردنجی جمعه کونی قریه جوارنده کی طاهه قالدیره رق مرقومونی قتل و اتلاف ایلدیکی ادعا اولمئسندن طولای جنایتله اتهام اولان اوصاف و اشکالی غیر مضبوط شتی مناو محمدک زمان و قوعا دتبری وادی فرارده اولوب آلان اله کچور یله مامش اولدینقندن ناشی اصول محاکمات جزائی قانونک اوچوز بتمش برنجی ماده سی احکامنه توفیقاً مرقومک قانونه اطاعتله محکمه به کسلی ایچون جانب ریاستدن کندوسنه مجدداً اون کون مهل ویرلش اولغه مهل مذکور ظرفنده اثبات وجود ایتدیکی حالدیه قانونه اطاعت ایتامش نظریله باقیه رق غیایاً محاکمه سی اجرا و حقوق مدنی دن اسقاط و اموالی جزا یلده جکی و یو یابده برکونه دعوی اقامه سنه حق اوله میه جتی و مرقومک بولندینگی محلی بیلرلر خبر ویرمه و بالجله ضابطه عدلیه مأمورلری مرقومی در دست ایتکه مجبور بولندقاری اعلان اولتور .

برنجی مجازات محکمه سنده :

روسیه دولتی تبعه سندن موسی پترو راقوبونک یورکی و اسیقوبلو ایله زوج و کفیله سی امالیه بنت یناقو ذمتلرنده برنجی محکمه تجارت اعلامیه غیر از استیفا متباقی مطلوبنک تأمین استیفا سچون کفیله مرقومه نک عهده تصرفنده اولوب محجوز بولنان و فروختی قرار الله آلتان بورغاز اطه سنده لیوادی جاده سنده کاش یکر می اوچ و یکر می بش نومرولریله مرقم طقوز اوطه یی ورمطیخ و مشترک قیو و بر مقدار باغچه و مشتملات سائره یی حاوی و سنوی اوتوز بش لیرا ایجاره متحمل بر باب خانه نک تاریخ اعلاندن اون بش کون صکره بلزایده فروخته تشبث اولنه چغندن اشتراسته طالب اولانلرک واطرافلیجه

معلومات آلمق استيانلرك محكمه تجارت اجرا دائره سنه
مراجعت ايتلى اعلان اولنور .

تجارت بحريه محكمه سنده

محمود پاشا جوارنده سعيديه خاننده وچاقچيلرده
شريف پاشا خاننده مغازه لرنده ساكن ايكن تجارت
بحريه محكمه سندن افلاسه حكم اولنش اولان نسيم
پساح شركتلك خصوصات افلاسيه سندن رؤيت
وتسويه سي ضمنده دعوى وكيللرندن قبله لي كمال
وازميرلى حياتى افديلىر اصالة سندنك تعين قلمش
اولدق لرنندن مفاس مرقوم ذمتده آله جنى اولانلرك
قانوننامه تجارتك ۱۹۹ و ۲۰۰ نجى ماده لرى موجبجه
تحقيق ديون ايچون تاريخ اعلاندى اعتباراً يكرمى بر
كون ظرفنده سنداتى محكمه كاتبه تسليم ايتلىرى
ومدت مذكوره ختامندن صوكره اوچ كونده يعنى
۳۳۳ سنه سى تشرين ثانيه سندنك بشنجى بازار ايرتسى
التجى صالى ويدنجى چهارشنبه كونلرى تجارت
بحريه محكمه سندنك افلاس معاملاتنه مخصوص اوطه سنه
كلهرك سندنك افديلىر مواجهه سنده آله جقلىرى
اثبات وقيد وتصديق ايتدىرملرى ومدت مذكوره ده
اثبات وجود ايدمىان آله جقلىرلر حقنده قانون مذكورك
۲۱۰ نجى ماده سنه توفيقاً ايفاي معامله اولنه جنى
اعلان اولنور .

ايكنجى تجارت محكمه سنده :

قاضى كويتده مغازه لرنده مقم البسه تجارتيله
مشتغل اليوم « ق » قره يوركى واستليانوس امانوئل
عنوانيله معنون شركت تجاريه نك ۱۷ تشرين اول
سنه ۳۳۳ تاريخندن اعتباراً اعلان افلاسه ومصال
افلاسيه نك رؤيت وتسويه سي رؤيت ضمنده اعضاى
محكمه دن عزتلىر سانج بكك ژور قوميسر ودعوى
وكيللرندن والياس سيموناكى وميخالاكى نيقلولايدى
واونيك آفتيان افديلىرلر موقت سندنك تعيينلرينه ومغازه
سيله اشياى زائده بيتيه سندنك تمهيريته واوراق ودفاترينك
جلبنه وكفالت مصدقه ارايه ايدمىديكى تقديرده
حبس وتوقيفه وبوبابده كى قرارك موقتاً اجراسنه
ايكنجى تجارت محكمه سنججه قرار ويرلمش اولديغندن
قانوننامه تجارتك ۱۷۰ نجى ماده سى موجبجه دائمى
سندىكلر انتخاب اولنق اوزره اشبو ۳۳۳ سنه سى
تشرين ثانيه سندنك برنجى پنجشنبه كوني ساعت التى
راده لرنده اصحاب مطلوبك محكمه مذكوره نك مصالح
افلاسيه رؤيته مخصوص اوطه سنه كللى اعلان
اولنور .

دلونيه تجارت محكمه سنده :

اركرينك منقول قريه سندن يناكى و برادري
ديمتري لفتريانى ايله مذكور اركرينك استغو پول
قريه سندن قسطنطين وكرياقو وپترو ولد پنايوط
كريچى وشركاسى عنوانيله معنون و دلونيه قضاسنه
تابع چار اوامورس چفتلكلر نده اجراى تجارت ايتكمده
ايكن برقاچ داينك استدعالي اوزرينه ۱۸ ايلول سنه
۳۳۳ تاريخندن اعتباراً افلاسلرينه ومصال افلاسيه نك
رؤيت وتسويه سي ضمنده اعضاى محكمه تجارتندن
اناغوستى افدينىك ژور قوميسر ودعوى وكيللرندن
وانكل ودلونيه لي عمر وزيسو افديلىرلر موقت سندنك
تعيينلرينه دلونيه تجارت محكمه سنججه قرار ويرلمش
اولديغندن قانوننامه تجارتك يوز تيمشنجى ماده سى
موجبجه ايفاي معامله اولنق اوزره ۲۲ تشرين اول
سنه ۳۳۳ بازار ايرتسى كوني ساعت التى راده لرنده
اصحاب مطلوبك محكمه مذكوره نك مصالح افلاسيه نك
رؤيته مخصوص اوطه سنه كللى اعلان اولنور .

مدلولو بدايت محكمه سى اجرا دائره سنده :

مدلولو مقيم دعوى وكيللرندن پانده لاكى
وولاحويلونك افالونه قريه سنده ساكن اليوم اقامتكاى
مجهول بولنان ملتياى قوندى قوطرولى ذمتده
مدلولو تجارت محكمه سندن لاحق اولوب صورت
مصدق سى ۱۷ شباط سنه ۳۲۲ تاريخ وبشيوز اللى
ايكى نومرولى جريدة محاكم عدليه ايله اعلاناً تبليغ
قلمش اولان ۵ تشرين اول سنه ۳۲۲ تاريخ ويتمش
اوچ نومرولى اعلام غيايى موجبجه محكوم به مطلوبى
بولنان ايكى يوز طقسان التى مجديه نك فائض ومصارف
حاكمه سيله برابر لزوم تسويه سى ۹ حزينان سنه ۳۳۳
تاريخ وبشيوز سكسان درت نومرولى جريدة محاكم
عدليه ايله برنجى اخبار نامه سى اعلاناً تبليغ ايدلىكى
ومدت قانونيه سى مرور ايدلىكى حالده هنوز ايفاي
دين اولنديكى كى بر جواب دى ويرلماش ودان
مومى اليه طرفندن وقوع بولان طلب واستدعا اوزرينه
مديون مرقومك افالونه قريه سندنك حراقصه موقعده
طقوز نومرولى زيتونلكى حيز آلتنه آلديرلمش
اولديغندن تاريخ اعلاندى اعتباراً طقسان بر كون
ظرفنده اثبات وجود ايله ينه ايفاي دين ايتدىكى
تقديرده مذكور زيتونلكى فروختيله اتمان حاصله سندن
تسويه دين ايتديريه جكى معلوم اولق واصول حاكمه
حقوقيه قانوننك يكرمى التجى واجرا قانوننك
يكرمى طقوزنجى ماده لرى موجبجه كندوسنه تبليغ
ايدلمش عد اولنق اوزره مديون مرقومه لاجل التبليغ
تنظيم ايديلان اشبو ايكنجى اخبار نامه نك مدلولو

سنجايى بدايت محكمه سى اجرا دائره سى ديوانخانه سنه
تعلق اولنديكى كى غزته لرله دى اعلاننه مبادرت
قندى .

ذليخا خاتون بنت ابراهيمك لوطرلى طودورى
ولد هاجى باطوحه ذمتده با اعلام محكوم به آله جنى
بولنان مبالغ معلومه نك تأمين استيفاسى ضمنده لوطره
قريه سندنك كوى دره سى موقعده سكسان يدى نومرولى
مغازه سى مجوزاً اجرا قلنان مزايده سنده بيك التى
يوز غروشه طالبي عهده سنده تقرر ايدرك موقت
قرارداده سى كشيده قلمش اولغله تاريخ اعلاندى
اعتباراً اوتوز بر كونه قدر يوزده بش ضم ايله طالب
اولانلرك مدلولو سنجايى بدايت محكمه سى اجرا
دائره سنه مراجعت ايتلىرى اعلان اولنور .

جمل افدينىك صارليجه لي نيقلوه تئودوسياى
زوجه سى ايراطو ذمتده با اعلام محكوم به آله جنى
بولنان مبالغ معلومه نك تأمين استيفاسى ضمنده
صارليجه قريه سنده متصرفه اولدينى نصف حصه
زيتونلكى تاريخ اعلاندى اعتباراً اون بش كون
صوكره مزايديه وضع اولنه جقندن طالب اولانلرك
مدلولو سنجايى بدايت محكمه سى اجرا دائره سنه
مراجعت ايتلىرى اعلان اولنور .

بولهننت اجرا دائره سنده :

پيلمارلى پنايوط آياقچه نك پولهننتى صاراندى
زورو ذمتده با اعلام محكوم به مطلوبنك تأمين ايچون
داينك طليله حيزايديلان مديونك پاراشلوطه موقعده
دره ، پنايوط يانى ، ماريغو فوطينو واسترات موجود
ايله محدود اوتوز درت نومرولى بر قطعه ترلاسى
تاريخندن اعتباراً اون بش كون صوكره مزايديه
چيقاريله جنى پولهننت ناحيه سى بدايت محكمه سى اجرا
دائره سندن اعلان اولنور .

مدلولو مقيم اخيلف بورنازو افدينىك لزغورلى
محمد نورى افدى ذمتده با اعلام محكوم به آله جنى
بولنان مبالغ معلومه نك تأمين استيفاسى ضمنده
محجوز پولهننت تيمارنده قلامو موقعده اللى اوچ
نومرولى زيتونلكى تاريخ اعلاندى اعتباراً اون بش
صوكره مزايديه چيقاريله جقندن طالب اولانلرك
پولهننت ناحيه سى بدايت محكمه سى اجرا دائره سنه
مراجعت ايتلىرى اعلان اولنور .